

SITAVIA FILM COATED TABLET 100MG

Sitagliptin phosphate monohydrate (eq. to sitagliptin 100mg)

Apakah yang ada pada risalah ini

1. Apakah kegunaan SITAVIA FILM COATED TABLET 100MG
2. Bagaimana SITAVIA FILM COATED TABLET 100MG berfungsi
3. Sebelum menggunakan SITAVIA FILM COATED TABLET 100MG
4. Cara menggunakan SITAVIA FILM COATED TABLET 100MG
5. Semasa menggunakan SITAVIA FILM COATED TABLET 100MG
6. Kesan-kesan sampingan
7. Cara penyimpanan dan pelupusan SITAVIA FILM COATED TABLET 100MG
8. Maklumat lanjut
9. Pengilang dan Pemegang Pendaftaran Produk
10. Tarikh Kemaskini RiMUP

Apakah kegunaan SITAVIA FILM COATED TABLET 100MG

SITAVIA FILM COATED TABLET 100MG digunakan sebagai ejen pembantu di samping makanan dan senaman untuk memperbaiki kawalan aras gula darah dalam kalangan pesakit kencing manis jenis 2.

Bagaimana SITAVIA FILM COATED TABLET 100MG berfungsi

SITAVIA tergolong dalam kelas ubat makan yang digelar perencat DPP-4 (perencat dipeptidil peptidase-4) yang menurunkan tahap gula darah pesakit diabetes melitus jenis 2. Diabetes jenis 2 juga disebut diabetes melitus yang tidak bergantung pada insulin (*non- insulin-dependent diabetes mellitus* atau NIDDM).

Sebelum menggunakan SITAVIA FILM COATED TABLET 100MG

Bila tidak boleh menggunakan

Jangan mengambil SITAVIA jika:

- anda alah kepada mana-mana komponen dalam SITAVIA

Sebelum mula menggunakan

Beritahu doktor anda atau ahli farmasi jika anda alah kepada sebarang ubat atau anda sedang menghidap atau pernah menghidap:

- diabetes jenis 1
- ketoasidosis diabetes (keton yang meningkat dalam darah atau air kencing)
- masalah pada ginjal (buah pinggang), atau masalah kesihatan yang lepas atau yang masih sedang dihadapi
- tindak balas alergi terhadap SITAVIA

Jika mengambil ubat-ubat lain

SITAVIA boleh dimakan bersama- sama kebanyakan ubat lain.

Beritahu doktor tentang semua ubat yang anda makan. Ini termasuklah ubat preskripsi, ubat bukan preskripsi, dan herba penambah khasiat.

Cara menggunakan SITAVIA FILM COATED TABLET 100MG

Berapa banyak harus digunakan

Makanlah SITAVIA tepat-tepat seperti yang telah diarahkan oleh doktor. Dos makan yang disyorkan ialah:

- satu tablet 100 mg
- sekali sehari
- dimakan bersama-sama atau tanpa makanan

Jika anda mengalami masalah ginjal, doktor mungkin akan menetapkan dos yang lebih rendah.

Doktor mungkin akan mempreskripsikan SITAVIA bersama-sama ubat lain yang tertentu yang mengurangkan gula darah.

Bila perlu digunakan

Boleh diambil bersama dengan atau tanpa makanan. Ambil seperti yang disyorkan oleh doktor atau ahli farmasi.

Berapa lama perlu digunakan

Teruslah memakan SITAVIA selagi doktor mengarahkannya supaya anda dapat terus mengawal gula darah anda.

Pemakanan dan senaman boleh membantu tubuh anda menggunakan gula darah dengan lebih baik. Penting agar anda meneruskan program pemakanan, senaman dan penurunan berat badan yang disyorkan oleh doktor sewaktu memakan SITAVIA.

Jika terlupa menggunakan

Jika anda terlupa satu dos sila ambil dos itu secepat mungkin selepas anda teringat. Jika mendekati masa pengambilan dos yang seterusnya, abaikan dos yang terlupa. Jangan ambil dos berganda untuk menggantikan dos yang terlupa. Jangan mengambil dua dos pada masa yang sama.

Jika mengguna berlebihan (terlebih dos)

Hubungi doktor anda dengan segera atau pergi ke Jabatan Kecemasan hospital terdekat, jika rasa anda atau orang lain terambil dos berlebihan. Ini perlu dilakukan walaupun tiada sebarang kesan keracunan atau rasa tidak selesa. Anda mungkin memerlukan perhatian perubatan segera.

Semasa menggunakan SITAVIA FILM COATED TABLET 100MG

Perkara yang perlu dilakukan

Ikut arahan doktor anda apabila anda sedang mengambil SITAVIA F.C. TABLET 100MG. Anda perlu melaporkan kepada doktor jika anda hamil semasa rawatan. Beritahu doktor, doktor gigi dan ahli farmasi anda bahawa anda sedang ambil ubat ini.

Perkara yang tidak boleh dilakukan

Jangan berhenti mengambil ubat ini atau mengubah pengambilan dos tanpa arahan doktor. Jangan memberi ubat ini kepada orang lain walaupun keadaan mereka serupa dengan anda.

Perkara yang perlu diberi perhatian

Radang pankreas (pankreatitis) pernah dilaporkan berlaku dalam kalangan pesakit yang menerima SITAVIA. Pankreatitis boleh menjadi masalah perubatan yang serius dan boleh mengancam nyawa. Berhenti makan SITAVIA dan hubungilah doktor dengan segera jika anda mengalami sakit perut yang kuat dan berterusan, berserta atau tanpa muntah-muntah, kerana mungkin anda menghidap pankreatitis.

Sejenis tindak balas kulit, iaitu *bullous pemphigoid* yang mungkin memerlukan rawatan di hospital, pernah dilaporkan berlaku pada pesakit yang menerima SITAVIA. Beritahu doktor jika kulit anda melepuh atau terurai (terhakis). Doktor mungkin menyuruh anda berhenti menggunakan SITAVIA.

Penggunaan oleh kanak-kanak

SITAVIA belum lagi dikaji pada kanak-kanak bawah usia 18 tahun.

Penggunaan semasa hamil dan semasa menyusukan anak dengan susu badan

Wanita yang hamil atau yang bercadang untuk menjadi hamil haruslah meminta nasihat doktor sebelum memakan SITAVIA. SITAVIA tidak disyorkan untuk dimakan semasa hamil.

Tidak diketahui sama ada SITAVIA dikeluarkan melalui susu badan. Anda tidak boleh memakan SITAVIA jika anda sedang menyusukan anak dengan susu badan atau bercadang untuk berbuat demikian.

SITAVIA FILM COATED TABLET 100MG

Sitagliptin phosphate monohydrate (eq. to sitagliptin 100mg)

Memandu dan menggunakan mesin

Tiada maklumat yang menunjukkan bahawa SITAVIA menjejaskan keupayaan memandu kereta atau mengendalikan jentera.

Kesan-kesan sampingan

Sama dengan ubat-ubatan yang lain, SITAVIA boleh menyebabkan kesan-kesan sampingan walaupun bukan semua orang akan mengalami gejala tersebut. Laporkan kepada doktor atau ahli farmasi anda jika anda mengalami sebarang kesan sampingan selepas menggunakan ubat ini.

Kesan sampingan tambahan pernah dilaporkan dengan penggunaan am SITAVIA sendiri sahaja dan/atau bersama-sama ubat diabetes yang lain:

- Bilangan platelet berkurangan
- Tindak balas alergi, yang mungkin serius, seperti ruam, urtikaria dan bengkak pada muka, bibir, lidah dan tekak yang boleh menyukarkan pesakit bernafas atau menelan. Jika anda mengalami tindak balas alergi, berhentilah memakan SITAVIA dan hubungilah doktor dengan segera. Doktor mungkin akan mempreskripsikan ubat yang merawat tindak balas alergi anda dan ubat lain untuk diabetes anda.
- Aras gula darah yang rendah (hipoglisemia)
- Sakit kepala
- Pening kepala
- Jangkitan pada bahagian atas sistem pernafasan
- Hidung tersumbat atau berhingus dan sakit tekak
- Sembelit
- Muntah-muntah
- Radang pankreas
- Gatal-gatal
- Lepuh
- Sakit otot
- Sakit sendi
- Sakit belakang
- Sakit lengan atau kaki
- Masalah buah pinggang

Beritahulah doktor atau ahli farmasi jika anda mengalami kesan sampingan yang luar biasa, atau jika apa-apa kesan sampingan yang diketahui sama ada tidak beransur baik ataupun bertambah teruk.

Anda boleh melaporkan sebarang kesan

sampingan atau kesan advers ubat kepada Pusat Pemantauan Kesan Advers Ubat Kebangsaan melalui laman web <http://npra.moh.gov.my> (*Consumer→Reporting Side Effects to Medicines (ConSERF) or Vaccines (AEFI)*).

Cara penyimpanan dan pelupusan SITAVIA FILM COATED TABLET 100MG

Penyimpanan

Simpan di bawah suhu 30°C, elakkan daripada terdedah kepada cahaya dan keadaan lembap.


Pelupusan

Lupuskan ubat ini apabila anda diarahkan untuk berhenti mengambil SITAVIA FILM COATED TABLET 100MG oleh doktor atau ahli farmasi atau ubat ini telah luput tarikh. Sila bertanya kepada ahli farmasi anda bagaimana untuk melupuskan ubat yang tidak lagi diperlukan.

Maklumat lanjut

Rupa dan warna produk

Tablet berwarna oren perang yang berfilem, satu belah diembos dengan perkataan “100”.



Bahan-bahan kandungan

Bahan Aktif:-

Sitagliptin Phosphate Monohydrate

Bahan Tidak Aktif:-

Croscarmellose Sodium, Microcrystalline Cellulose, Anhydrous Dibasic Calcium Phosphate, PVP K-30, Sodium Stearyl Fumarate, Magnesium Stearate, Opadry II Brown

Nombor MAL

MAL XXXXXXXXAZ

Pengilang & Pemegang Pendaftaran Produk

Y.S.P. Industries (M) Sdn. Bhd.

Lot 3,5 & 7, Jalan P/7, Section 13, Kawasan Perindustrian Bandar Baru Bangi, 43000 Kajang, Selangor D.E., Malaysia.

Tarikh kemaskini RiMUP

01/03/2021

Nombor Siri

NPRA (R2) 21/012